



IV GOVERNO CONSTITUCIONAL
SECRETARIA DE ESTADO DO CONSELHO DE MINISTROS

KOMUNIKADU IMPRENSA

Sorumutu Konsellu Ministrus, loron 13 fulan Outubru tinan 2010

Konsellu Ministrus hala'o sorumutu iha Kuarta, loron 13 fulan Outubru tinan 2010, iha Sala Sorumutu Konsellu Ministrus, iha Palásiu Governu, iha Dili, no halo aprovasaun ba:

1. Alterasaun daneen ba Lei-oan Governu nian

Maske Lei-oan IV Governu Konstitusionál prevee ezisténsia Sekretáriu Estadu rua iha estrutura Ministériu Negósius Estranjeirus nian, hori uluk kedas, Ministériu ne'e iha estrutura governativa ida ne'ebé mínima, reduzida de'it ba ministru ne'ebé refere. Iha termu servisu nian, opsaun ida-ne'e lori ezijénsia bo'ot ida ba membru Governu ida-ne'e, hanesan nesesidade atu haketak kestaun barak. Hanoin mós katak, dezempeñu ba funsaun kargu espesífiku ida-ne'e, rekere bebeik auzénsia ba país.

Nune'e, Konsellu Ministrus konsidera importante atu reforsa kapasidade polítika Ministériu nian, hodi kria fatin ida Vise-Ministru nian, ho misaun atu tulun titulár Ministériu iha nia kna'ar lor-loron nian.

2. Dekretu-Lei ne'ebé aprova Rejime Jerál kona-ba Avaliasaun ba Ensinu Superiór no Kria Ajénsia Nasionál ba Avaliasaun no Akreditasaun Akadémika (ANAAA)

Estruturasaun sistema ida ho garantia qualidade ne'ebé hetan rekoñesimentu iha nível internasionál, sai nu'udar objetivu ida hosi objetivu sira seluk IV Governu Konstitusionál nian ba polítika ensinu superiór. Atu kumpri objetivu ida-ne'e, iha tinan 2007-2008, hahú ona servisu avaliasaun no akreditasaun inisiál no intermédia ba estabelesimentu ensinu superiór sira, hosi Komisaun independente ida kompostu husi peritu internasionál sira.

Hafoin servisu inisiál ida-ne'e hotu tiha, oras ne'e importante atu kria Ajénsia Nasionál ba Avaliasaun no Akreditasaun Akadémika (ANAAA) nian ida, atu fó continuidade ba sistema akreditasaun nian liu hosi prosedimentu iha ne'ebé, alende auto-avaliaaun hosi estabelesimentu sira ne'e rasik, iha mós avaliasaun esterna ida. Organizmu ida-ne'e tenke iha independénsia sientífika no pedagójika no tenke hakru'uk ba padraun internasionál sira.

3. Rezolusaun Governu nian ne'ebé aprova Polítika Governu nian ba Konversaun Ajente Administrasaun nian ba Funsionáriu Públiku Permanente

IV Governu Konstitusionál iha devér atu garante Funsau Públika ida-ne'ebé profisionál no eficiente, ho kondisaun ne'ebé di'ak no soi duni atu bele hala'o servisu. Governu rekoñese katak, daudaun ne'e eziste proporsaun ida aas hosi Ajente Administrasaun (funsionáriu temporáriu), ne'ebé mak hala'o funsau permanente. Atu redús proporsaun ida-ne'e, Komisaun Funsau Públika propoen polítika ne'ebé estabese prosesu ida-ne'ebé adekuaudu iha konversaun temporáriu ba permanente. Polítika ida-ne'e, hanesan objetivu atu atinje ekilíbrui ida-ne'ebé di'ak liu entre direitu traballadór sira nian, nesiedade organizaun, prudénsia fiskál no dezenvolvimentu estável no sustentável Funsau Públika nian iha Timor-Leste, tuir lei ne'ebé mak reje iha ninia krisaun no jestaun.

Konsellu Ministrus analiza, mós:

1. Apresentasaun prévia kona-ba Rezultadu Sensu 2010

Diresaun Nasionál Estatística (DNE) halo nia apresentasaun preliminar kona-ba rezultadu Sensu 2010 ba Konsellu Ministrus. Alende rezultadu provizóriu konsulta nasional nian ne'ebé hala'o tiha iha fulan Jullu liubá, DNE (dependente ba Ministériu Finanzas) esplika metodolojia ne'ebé mak nia aplika tiha ona, iha inkéritu no mós ba rezultadu averiguasaun. Apresentasaun pública hosi rezultadu preliminar hirak ne'e, sei hala'o iha loron 20 (Loron Mundiál Estatística nian). Rezultadu difinitivu ba dahuluk, sei halo apresentasaun iha fulan Abril tinan oin mai.

2. Apresentasaun Orsamentu Komisaun Nasionál Eleisaun (CNE)

Haree ba traballu espesífiku ne'ebé Komisaun Nasionál Eleisaun hala'o tiha ona, apresenta no halo mós diskusaun kona-ba metodolojia ne'ebé atu aplika no tempu nesésáriu ba Komisaun atu hala'o ninia misaun. Objetivu prinsipál ba análise ida-ne'e, mak definisaun ba orsamentu ne'ebé sei fó ba CNE iha tinan fiskál oin mai.

3. Apresentasaun ba dokumentu ne'ebe defini kona-ba Planu Direktor Saneamentu no Drenejen ba Díli

Planu ne'e, ne'ebé Konsellu Ministru disponibiliza tiha ona orsamentu ho osan dólar millaun ida rihun atus lima, ne'ebé sei dezenvolve hosi ekipa internasionál ida ne'ebe lidera hosi konselleiru espesial Primeiru Ministru, Steve Bracks. Planu ne'e mak sei projekta dezenvolvimentu ba saneamentu no bee- dalam iha kapitál Timor-Leste.

Tuir proposta kona-ba planu servisu ne'ebé apresenta ba Konsello Ministru, Planu Direktor ne'e sei remata iha tinan 2011 nia rohanne'e inklui mos estratejia ba implementasaun fazedada ba konstrusaun, operaun no manutensaun ba sistema saniamentu no drenajen iha Díli to'o tinan 2025.

4. Proposta Lei ba alterasaun dahuluk kona-ba Lei Fundu Minarai

Hafoin hala'o tiha apresentasaun ba Konsellu Ministrus, iha lora 29 fulan Setembru liubá, kona-ba diversifikasaun investimentu Fundu Minarai nian, hasai tiha konkluzau katak, nesesidade atu halo alterasaun lei ba possibilidade diversifikasaun ida-ne'e, grupu traballu Ministériu Finansas ohin apresenta tiha ona, sira nia proposta alterasaun. Atu habadak, hanesan proposta alterasaun kona-ba política investimentu no perfil ba risku; tranferénsia/regra levantamentu; uza Fundu Minarai hanesan garantia ba empréztimu; ba Jestaun Operasionál; no ikus liu, iha Koperasaun Konsultivu ba Investimentu.